

福建府縣志輯

中國地方志集成

乾隆福清縣志  
民國平潭縣志

圖書在版編目(CIP)數據

中國地方志集成. 福建府縣志輯. 20, 乾隆福清縣志.  
民國平潭縣志 / 上海書店出版社編. - 上海: 上海書店  
出版社, 2000. 10

ISBN 7-80622-424-6

I. 中... II. 上... III. ①地方志-中國②地方志-  
福建-福清縣③地方志-福建-平潭縣 IV. K29

中國版本圖書館CIP數據核字 (2000)第 27751 號

福清縣志

舊序

夏禹貢周職方氏志始也王會三輔爲圖方輿寰宇  
輿地代且數家續之迨皇明一統志始備焉夫志亦  
國之史也夫子悼杞宋之無徵由文獻之不足則夫  
一邑之志政治之得失官師之淑慝役煩簡而民疾  
苦于是乎徵其亦未可忽也福清爲七閩地自宋建  
隆歷于今五百有餘年矣其更延因革簡編紀載希  
澗寥寂宋先賢林亦之黃鶚著有玉融志已漸滅無

福清縣志

舊序

傳嘉靖癸巳冬適大叅龍山陳公分守過宏路諭邑  
令朱君冕曰福清巨邑志以稽文獻宏乘時舉之令  
以有志未遑對公曰攷覽山川表章文物守土者之  
責也其可曰簿書之不閑而缺於訓方之簡諭令以  
莆寒谷林先生文章氣節立言足徵盡請董厥成令  
奉命唯謹謀之司訓方君倣黃君陸槩邑庠諸生僉  
泝然從事遂命邑丞周瀾往請于甲午閏二月寒谷  
公至玉融寓聖蹟寺始事斯役旁搜窮討揆天道質  
人情叅古證今鴻纖畢舉歷六十四日而志成爲卷

福清縣志

舊序

有十于建置疆域知其勝于城市風俗知其通于戶  
口貢賦知其核于物產水泉知其利于兵防政典知  
其密于官績人文知其勸于廟制秩祀知其正于仙  
釋雜志知其變嚴而公約而盡質而不浮其間有升  
落去取而默寓激勸歆發合政與化而聯綴協偶之  
其固有史之義歟寒谷學正而識精吾固知其言之  
足以資後無疑也嗣是而生于斯官於斯者因之而  
監觀興起以爲程身治人之法其於政化豈小補哉  
然則是志也官之規民之鑑而于今聖謨神化實有  
攸助焉豈僅一邑之史已耶故不辭而爲之序嘉靖  
甲午仲夏之吉莆中省吾林富撰

福清海上之巖邑也其幅員之廣戶口之蕃章縫之  
衆賦稅之贏蓋閩中罕儼焉勝國之時爲州至明乃  
爲縣舊有志久已漫滅闕而不修者將百年一二縉  
紳耆宿如屏陽周公輩慨文獻之無徵稍網羅舊聞  
摺滌近事草具稿本而潤色未遑訛訂尚闕及今又  
數十年矣輪軒之使長民之吏無從考故實而察民  
風甚以爲病卽百年來官師之治績賢士夫之行業

闕媛查嫺之貞標率湮沒弗彰邑之人亦胥慨焉屢謀修闕事而莫有任者今令尹闈生王侯初下車卽問志於邑不可得欲以屬余余謝不敏而侯亦拮据他務未暇及且以余將應召命遂不復言其後知余無出山意廼申前請又延博士柯君鳳瀛林君東光鄉紳廣文林君宏簡使董其事以陳茂才紹祖中丞公之孫博學多藏書有舊志數種使任纂集余雖不敢辭而未幾以上命敢促不得已行僅具城池人物烈女武功數款其他皆侯成之余既自愧不能終侯

福清縣志

舊序

三

無聞於職方至唐人文稍著宋則彬彬明遂蔚然爲棟梓之鄧林瑤琨之縣圃矣卽山川之奇麗鴻濛以求所未闢者今皆赫奕改觀擬於蓬邱瑯島而又得賢令爲之鼓舞表章士類奮興山林生色此亦千載休明之一時已唯是生聚日繁習尚漸靡道賦喜訟之風聞於四境以爲長吏憂而又鯨波時湧戎備日隙綠林潢池藏奸伏慝按籍而徵利害得失之故較若列眉凡居是邦與有職於茲土者其亦可以警侯之所爲惓惓或在此歟侯徒自崇安在吾邑僅兩

福清縣志

舊序

四

之命而又深幸百餘年來邑人之所經營盼望欲舉而未能者一旦而勒爲成書徵往詔來是亦此邦不朽之盛事也往余爲史官舊觀金匱石室之藏嘗欲裒集國家大政事大興革分類論著以昭示來茲而竟以懶廢比退而田居復欲博搜一邑之奇聞異行聞洵弗彰者著爲里史而亦未能就蓋余之有負於史職多矣乃侯簿書期會倥傯日不暇給之時而甞神于茲又去內召入計之期甚近此其意豈尋常俗吏所能窺哉天下事通塞顯晦各乘其時吾邑在漢

歲餘百廢具興比歲大穰擬爲具壘他日必有紀循吏而祝夷乘者余敬以茲志爲權輿焉萬歷己未大學士邑人葉向高撰夫志以徵邑其來舊矣自上虞朱侯始以玉融顯嘉靖間一再輯之典猶缺然閱今百春秋矣幅員猶昔也聲教四訖人文蔚起洋洋乎大國風哉而名公偉人後歿者不得與于斯矧山林逸德闔門幽懿其瀆汲可勝道耶邑侯京口王公慨然釐新其事請於少葉公時公應聖天子召趣入綸扉獨傳人文而品

騰之餘則以殘編斷簡屬林廣文與陳文學彙次焉  
嗟嗟少師公之意微矣夫邑之有志猶國之有史也  
如僅以封疆之廣輪戶口之繁熙層巒浩海點綴山  
川之奇則何邑無之而杞宋之微慨在文獻又何以  
故吾邑自有宋以來以功名顯者如鉉鼎一門弼亮  
三世儘足頡頏宇內彼派遡濂維勃宰理窟而監門  
一疏清風勁節猶凜凜千古則所稱天下士焉後而  
起者人擅垂雲之致吏投飲馬之錢或以恬靜寧極  
之宇淡泊夫聲焰或以慷慨激烈之氣叱咤夫風塵

福清縣志

舊序

五

卽閨門女士亦遑遑天植其性無感而興此固山川  
奇磊之英靈搏掄使然而吾邑之挾以爲重者或在  
于斯乎名賢椽筆後先掩映政山川之所以不朽也  
少師公之意其謂是歟令公加意釐新適與少師公  
山居會誠千載一時耳董斯役者邑之博士柯林兩  
先生而編摩潤色則省元希聲郭公之力居多也少  
師公垂班馬之業令公揚文翁之化皆可懸諸日月  
不佞謬弁數語亦緣二公以不泯云監察御史邑人  
林有臺書

紀畧

郡邑之有志亦猶列國之史也史有專家如劉氏之  
向歆班氏之彪固司馬氏之談與遷皆能網羅百代  
摭摭群書自成一家言則史學之傳由來尚矣卽吾  
郡三山志肇自林文安公而通叅公續之文恪公足  
而成之彼父子祖孫珥筆承明抽金匱石室之秘而  
以緒餘及郡乘史官相繼五世于茲矣若吾邑之志  
自莆林寒谷先生竄定後所稱太史氏惟文惠葉公  
操如椽之筆嘗欲哀集邑中之奇聞異行閩洵弗彰

福清縣志

紀畧

六

者編爲里史而未遑就緒僅具城池人物烈女武功  
數款應闈生王侯之請居恒凡有所論著輒稱引郭  
氏不置豈無所見而云然哉蓋郭氏自外曾祖雲橋  
公以史學名家當嘉靖癸巳貢八北畿諸友饒于郊  
因遊玉融之椒每述神僧授梵書有孤峰萬仞形勢  
奇絕之句則玉融爲邑矣號固已卜之蚤矣至于鷲  
嶺麟峰海壇南日諸圖記較若列眉當時同邑尚書  
郎陳公希齋諫大夫薛公萃軒輩靡不推爲執耳迨  
甲午志成而雲橋公與先方伯半峰公同登嘉靖乙

未進士是科發甲者五如約齋王公一水翁公湖東  
吳公皆家咫玉融彬彬蔚起啓人文之盛此志之所  
由興也洎我外祖海嶽公于萬歷初年以博士聘修  
燕史復纂九邊志畧歸而著玉融古史舉福邑山水  
交配錯綜瞭若指掌迄今因革便宜悉如所議則後  
之次第續修者亦可得其大概矣越我舅氏大尹心  
葵公奉直汝偕公省元忠烈竊臯公皆能世其史學  
有蒐廣覽勒成郭氏一家言庶乎文獻之足徵矣余  
嘗取所藏志稿稍窺一斑欲與中表郭孟履其事銘

福清縣志

紀略

七

槩之役竊有志而未逮焉今老於林下愧不能如司  
馬子長博採列國之風然乘梓志乘歷百五十餘年  
未有續而修之非缺典與迺屬之孟履曰爾家世稱  
外史氏諸所紀載業有成書盍紹先人之令緒而闡  
繹之奚三難之足云孟履遂慨然任之按舊志揆逸  
事參之見聞以補其闕遺蓋殫編摩之功閱十餘稔  
而稿始脫余受而卒業焉則見其詳而該精而覈靡  
微不至無幽不錄洵爲一邑良乘足以信今而傳後  
寧僅藏之名山已哉嗟乎載筆記事綴故增新輯其

典要而無掛漏之虞者士大夫責也振藻詞壇以文  
學飾吏治是非筆削不滄群咏授之剞劂以垂不朽  
者賢有司事也昔朱考亭夫子知南康甫下車卽詢  
圖志可謂得爲政先務矣今之來領是邑者豈無晦  
翁其人乎請以俟之君子康熙甲辰臘月提督學政  
邑人施起元謹識

紀事

前志載自宋者係林學可黃忠甫兩先生所著歲久  
無稽自明邑侯文中朱公禮請蒲林寒谷先生寓聖

福清縣志

紀事

八

蹟寺纂脩縣志十卷業經壽梓時爲嘉靖十三年甲  
午而乙未以後闕者尚多先輩屏陽周先生績而成  
之甫脫稿而未竟先主政雲橋公著有玉融辨議傳  
記曾鐫入全集中先外史海嶽公慨然復古勤蒐密  
討釐爲玉融古史十卷視舊志加詳然姑副之名山  
而未傳之同好至萬歷四十七年己未邑侯蘭生王  
公敦請相國葉文忠公重修多方纂集欲勒爲成書  
以詔來禩因相國赴召不果卽建置官師選舉人物  
僅及萬歷庚申而止先忠烈公嘗取而卒業焉顏曰

新志又因歷任殉難垂成而廢從茲寥寥鮮有起而任之者無論已毀舊乘不宜湮沒弗彰卽葉文忠公殫數載苦心光千秋盛舉竹帛烟霞經緯日月前勞難棄美業當成况遡甲午迄今壬子計一百四十餘載矣其間風俗遞變賦役屢更文獻缺典山川改觀前人之紀載未諱異日之舛訛益甚及今不輯後將誰問適承部文頒行俾各郡邑將山川形勢戶口田賦風俗人物疆圍險要等事接古續今纂輯成編上備國史採錄誠千秋不朽之盛舉也因念前賢有未

福清縣志

紀事

九

竟之緒余不揣疎庸欲續而成之乃謀同志重理舊章依例分卷一十有二其或世遠時殊尚煩增補者爰取裁於何司空閩書林文恪府志曹宗伯八閩名勝邵中丞閩省賢書或訪諸高年或蒐諸遺集或採巨宗家乘或摩往代豐碑凡先賢懿行有徵必書閩烈幽芳無微不闡庶幾風化有闕典章不泯足以信今傳後則諸縉紳力也余何勞之與有康熙壬子孟冬邑人後學郭文祥謹識

跋

天下事有似緩而實急者前之人諉之于後後之人復從而諉之以爲事非獨任而我將有以辭其責也遂至因循不舉任其廢佚散失而莫之釐正如郡邑之誌是已誌者史也昔云史之爲書勸善懲惡亞于六經誌之義例諱略與史同非有良史之才不能誌也非博通諸家之史不能爲一方之誌也融爲吾閩望邑舊志漫滅自嘉靖甲午莆中林寒谷先生編輯以來嗣少師葉文忠公有意屬筆僅具城池人物列女武功數款而未遑卒業計今闕略未修已百三十

福清縣志

舊跋

十

餘年豈非事之似緩而實急者耶年友郭蓮峰挾名山之秘慨然已任不憚勤瘁凡十餘稔而書始成書分一十二卷其取類也諱其辨物也細採撫具備筆削恰當蓋燦然大觀焉夫文之有闕於風俗政教者不在縷貼綺繡以就篇帙而在乎見聞之實質古訂今足以攷得失示鑒戒余讀茲誌信乎爲一邑之佳史也茲郭氏先世以史學名家比部雲橋公明經海嶽公暨孝廉心葵公忠烈鶴舉公文章節義萃于一門其世系已圖記傳誌業有成書蓮峰因而成之以

作爲述斯可謂之善繼志者也昔裴松之後有子野  
姚察之後有思廉延壽之南北史始于太師百藥之  
齊史本於德林史學淵源不信然與雖然士君子幸  
而芸莖築府陪甘泉之侍從覽秘閣之奇文秉直據  
法撰成國典不幸而稿守蒿萊如北山東臯若溪乘  
芻閉戶著書亦足自樂蓮峰以刺史退休撰策初潛  
而嘯吟較論手不輟卷猶得以餘力畱心梓里博徵  
文獻爲億代眉目其意念遠矣若以矜撮拾之長資  
職方之探則淺之視是書也康熙壬子秋七月三山

福清縣志 舊跋 士

陳軾拜手題

修志姓氏

備載前志以誌其勞亦不敢專矣也

宋

林亦之字學可邑人著有玉融志

黃 鰲字忠甫邑人著有玉融志

以上二志歲久無傳

明

林有年字以永號寒谷莆田人宏治壬午舉人由

御史歷貴州副使嘉靖甲午年纂修福清縣志  
共十卷

主修邑侯朱 冕字文中豐城人由進士

協修學博方 俶建德人 黃 陞南城人

督刻邑丞周 灞黃岡人

以上係舊志已授梓

周 坤字朝順號屏陽邑人嘉靖甲午舉人新昌

學博著有玉融志十卷

郭萬程字子長號雲橋邑人嘉靖乙未進士刑部

福清縣志 姓氏 士

主政著有福清辨儒學志鄉賢論詞科攷儒林

傳列女傳玉融山圖記海壇南日小練諸記其

四卷

郭造卿字建初號海嶽邑人萬歷丁丑貢元著有

玉融古史十卷

葉向高字進鄉號臺山邑人萬歷癸未進士特進

光祿大夫左柱國太傅中極殿大學士贈太師

謚文忠萬歷己未年重修玉融城池志人物志

武功志閩貞志四卷

主修邑侯王政新字蘭生丹徒人萬歷甲辰進士

協修學博柯鳳瀛字羽聖莆田人萬歷己酉舉人

司訓林東光字陽升莆田人

明經林宏簡字志坤邑人

茂才陳韶祖字紹廷邑人

郭應響字希聲號鶴臯邑人萬歷丙午解元由戶部郎歷陝西榆林兵備道禦寇殉烈贈光祿寺

福清縣志

姓氏

幸

玉加贈太常寺卿唐子賜祭葬諡忠烈修有玉融新志十卷

王誠字存一邑人茂才修有玉融志四卷

以上係新志俱未授梓

國朝

重纂郭文祥字孟履邑人崇禎庚辰進士

同纂施起元字君貞邑人順治己丑進士

林日光字君向邑人崇禎庚辰進士

林飭字子穆邑人崇禎癸未進士

陳魁字字學薦邑人康熙丁未進士

夏晉字志翰邑人康熙庚戌進士

陳彛輝字聿皇邑人康熙庚戌進士

張可仰字大從邑人國子監博士

王安世字靜友邑人浙江會稽知縣

鄭應侯字叔俊邑人康熙甲辰進士

毛鳴岐字文山邑人四川營山知縣

康熙壬子年季秋穀旦授梓

福清縣志

姓氏

尚

序

古今之事摭於史而詳于志蓋史攬其大而志悉其細周禮以外史小史領邦國四方之志十五國之風謠類得以上於天子所由不

下堂階而周知天下之故也今天下大一統矣車書文物之盛遠軼前古曩者朝廷命多直省纂脩通志誠言者採風意也然郡綴于州縣綴於郡而省與郡之

志不如縣之詳且核福清舊有志自明代至今脩者不一

本朝脩自康熙壬子後此七十餘年紀載闕焉其間因革異制質文異數人物改

上

事日新歲改固有雲蒸霞裊而難以卒詰者脫非書以紀之幾何不令驅車往止者徒作望洋之嘆也余承乏斯土簿書鞅掌有志未逮但念六載於茲此事

闕而不舉將遷流寢遠事  
往迄湮沒之人考故實  
而察民風徒悵悒于文獻  
之無徵則余亦無所辭咎  
也因謀於邑之縉紳先生  
韋有同志遂設館于明德

三

書院肇始今歲春之正月  
於秋八月竣事發凡起例  
視原志有所增損其他當  
仍者罕異同焉詳其略補  
其闕間亦有之若至子以  
後則今茲所成詳也於山

川見形勢之雄於建置見  
區畫之備于戶口見生齒  
之繁出田闢而貢賦不增  
學校飭而人文日盛士重  
廉恥女秉貞懿忠孝節烈  
光柱簡策足以見

四

期重熙累洽漸摩休養之功  
愈知此書之不可已也是  
役也編摩採輯賴鄒先生  
秉良史之才必慎必確務  
期合乎人心通乎世道以  
無詭于觀風問俗之意余

不數不過藉手以告厥成  
云爾

皆

乾隆丁卯桂月邑令南豐

饒安鼎題



序

闡明初時府州縣志成必推其  
先生之德尊而宵文者序之不  
則官於其地者也請者必當其  
人其人必審其無可讓而後為  
之官於是者其文優其於是書

印序

二

也者功則不讓於鄉矣鄉之先  
生其文優其於是書也者功則  
官不敢作矣義取於獨斷則自  
自為之而不讓於鄉與官矣凡此  
者所謂職也苟不當其人即非職  
也余於丁卯秋仲署篆至

融

邑志告成儒紳先生以志序一為  
請余自愧不文且於是書也且  
亦何敢序然維斯去而觀厥成  
余又何可無一言以志之福邑志  
修自康熙壬子所志天文分野  
戶版賦額山川城郭風俗物產官

印序

二

跡人材藝文雜志已云備矣今日  
山川毓秀人物鍾奇名宦得賢  
接踵輩出若不隨時脩輯豈法  
方冊不幾使後之人致慨於文獻  
之云歟耶於是前任南豐饒牧  
上先生遂毅然以此事為己任而

卜日治館選才襄事其間沿  
舊文創新例潤色表章俾今傳  
後實牧蒞先生占德縉紳之力  
洵所謂優於文而能有功於是書  
者矣其為序也職所宜然乃漢以  
序請於余殆亦以余之具官於此

印序

三

而不宥以非其職也即書此以  
存序

寄

乾隆丁卯年十月既望署邑令  
餘杭卸應龍撰



重脩福清縣志紀事

邑之有志所以徵往也紀實也表微也徵往以察褒紀實以彰信表微以勸善其有史之意乎然志似易於史而寔難於史史脩於朝論斷前數百年事是非

林序

子奪無有撓者志脩於鄉桑梓之邦親故所聚必欲秉公稽覈則嫌怨易生而謗議遂起故任之難其人而脩之不適其時時積而久事積而多至於老成凋謝編殘簡齮無可徵質不

愈有難焉者乎福清志重脩於康熙壬子歷今七十餘年脩之又其時也而無有任之者懲其難也邑侯南豐饒公蒞任六載興廢舉墜之餘復留心邑乘猥以是事委余與邑中諸君

林序

二

子余自惟固陋老而且疲烏能為役但思侯理劇邦政事紛沓猶惓惓於斯吾儕生茲土顧可諉耶且侯今倡之無與成之遂此知澳何時目與同志勉承斯任折衷前志搜訪舊聞採

韓近事凡所論列矢之以公審之以覈不阿於私利不徇於親串無愧於心而可告於世而已夫政隨時改事與化遷壬子以來更閱數十年其間制度典章不無因革疆圉險易不無

林序

三

創易戶口曰賦不無盈虛此往事之可徵也福清雖地處陬澨素有鄒魯之風况沐浴

聖化百年中淪浹深久忠孝義烈之行文章氣節之儒不乏其人然非實錄不紀也

他如竒德隱行或銷聲匿跡以自韜晦或窮鄉救族無人顯揚使懷抱孤貞者與枯草腐木同萎落於深山寒谷之中寧非恨事故搜潛扶幽為聞見可及者無微不表也與諸君子共

林序

四

秉此意以成此書非敢曰脩一邑之史但使後之官斯土者知政治之由文物之化山川土地之宜風俗人心之故而舉偏補弊草薄從忠之有自則不無助於萬一也

皆

乾隆丁卯仲秋上浣邑人

太史林 昂謹題



重脩福清縣志後序

洋洋大觀者四海乎茫  
無所終極者千古乎混  
沌未經開闢尚矣然六合  
之外闕如六合之內具在  
也士居海濱目未盡百代

李序

之書足未窮名山大川之  
勝不能網羅宇宙囊括古  
今成大業以光鉅典徒規  
一邑豈足以佐  
文治而紹經世之鴻猷哉  
君子曰不然夫行遠者必

自邇登高者必自卑天之  
高也積於寸晷地之廣也  
撮土不遺史氏之書上觀  
下法彰往察來天地之道  
也苟忽近而圖遠是古而  
非今是猶行千里者不由

李序

二

戶庭陟崇巔者不起跬步  
雖有飛廉夸父之能及王  
良造父爲之先後而無如  
何也邑乘肇端匪細其可  
忽諸福清縣志歷代纂脩  
以來重脩於

本朝壬子迄今又七十餘年矣  
其間疆圉統轄有遷流戶  
口貢賦有增減城廟建置  
有更移文武制度有變改  
以至宦蹟人物可法可傳  
盛事異聞不磨不朽赫々

李序

三

若前日事而天道十年一  
變時漸久而事漸湮或汨  
沒於甌塵蠹簡之中或散  
失於荒煙蔓艸之際數十  
年後有好古君子欲求遺  
事爲表章而故老盡矣其